



Broj: 05-76-4/21  
Sarajevo, 01.02.2021. godine

Na osnovu člana 23. stav (1) tačka m) i r) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj: 75/17), člana 16. stav (1) tačka n) i t) Statuta Agencije za bankarstvo Federacije Bosne i Hercegovine („Službene novine Federacije BiH“, broj: 3/18), člana 64. stav (1) tačka b) i člana 70. stav (1) Zakona o javnim nabavkama („Službeni glasnik BiH“, broj: 39/14), člana 10. stav (1) Pravilnika o postupku dodjele ugovora o uslugama iz Aneksa II. dio B Zakona („Službeni glasnik BiH“, broj: 66/16), a na osnovu preporuke Komisije za javne nabavke iz Zapisnika o pregledu i ocjeni ponuda u postupku nabavke usluga, broj: 05-76-3/21 od 27.01.2021. godine, direktor Agencije za bankarstvo Federacije BiH donosi

## **ODLUKU** o izboru najpovoljnijeg ponuđača u postupku nabavke usluga

### **Član 1.**

Prihvata se preporuka Komisije za javne nabavke iz Zapisnika o pregledu i ocjeni ponuda u postupku nabavke usluga, te se ugovor za javnu nabavku usluga najma fotokopiranih aparata za potrebe Agencije za bankarstvo Federacije BiH dodjeljuje društvu „C-SERVIS“ d.o.o. Sarajevo.

### **Član 2.**

Ukupna ponudena cijena iz tačke I. ove odluke iznosi 15.720,00 KM bez uračunatog poreza na dodanu vrijednost (PDV), što u konačnici s uračunatim PDV-om iznosi 18.392,00 KM.

### **Član 3.**

Ova Odluka objavit će se na internetskoj stranici Agencije, istovremeno sa upućivanjem iste ponuđaču koji je sudjelovao u postupku javne nabavke, u skladu s odredbom člana 70. stav (6) Zakona o javnim nabavkama.

### **Član 4.**

Za izvršenje ove odluke zadužuje se i ovlašćuje Sektor zajedničkih funkcija.

### **Član 5.**

Ova Odluka stupa na snagu danom donošenja.

## **OBRAZLOŽENJE**

Postupak javne nabavke predmetnih usluga pokrenut je u skladu sa Odlukom o pokretanju javne nabavke usluga, broj: 05-76/21 od 11.01.2021. godine.

Javna nabavka je sprovedena u skladu sa Pravilnikom o postupku dodjele ugovora o uslugama iz Aneksa II. dio B Zakona o javnim nabavkama. U skladu sa odredbom člana 7. stav (3) Pravilnika o postupku dodjele ugovora o uslugama iz Aneksa II. dio B Zakona o javnim nabavkama, ugovorni organ je

pripremio i objavio Poziv za dostavu ponuda na svojoj internetskoj stranici, te istovremeno isti uputio na tri adrese. Procijenjena vrijednost nabavke utvrđena je u iznosu od 10.000,00 KM - bez poreza na dodanu vrijednost (PDV).

U skladu sa odlukom ugovornog organa, Rješenjem br. 05-76-1/21 od 26.01.2021. godine imenovana je Komisija za javne nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija je u okviru svojih nadležnosti i ovlaštenja provela predmetni postupak, te o tome sačinila Zapisnik o pregledu i ocjeni ponuda, u kojem je utvrđeno da je po predmetnom postupku nabavke evidentirana 1 (jedna) pravovremeno pristigla ponuda od strane ponuđača „C-SERVIS“ d.o.o. Sarajevo.

Na osnovu izvršene analize i ocjene pristigle ponude od strane navedenog ponuđača u pogledu kvalifikacijskih i cjenovnih uslova nadmetanja, Komisija je utvrdila da ista ispunjava sve uslove i zahtjeve iz Poziva za dostavu ponuda, pa je Komisija dala preporuku da se navedenom ponuđaču, saglasno članu 64. stav (1) tačka b) Zakona o javnim nabavkama, dodijeli ugovor za javnu nabavku predmetnih usluga.

Slijedom navedenog, odlučeno je kao u dispozitivu.

#### **POUKA O PRAVNOM LIJEKU:**

Protiv ove odluke može se izjaviti žalba ugovornom organu – Agenciji za bankarstvo Federacije BiH, u skladu s odredbama članova 99. i 101. Zakona o javnim nabavkama (“Službeni glasnik BiH”, broj: 39/14).

Žalba se podnosi u pisanom obliku – u tri primjerka, u roku od 10 (deset) dana od dana obavijesti dobrovoljnog ex ante obavještenja o transparentnosti na Portalu javnih nabavki.



#### **Dostaviti:**

- Ponuđaču u postupku: „C-SERVIS“ d.o.o. Sarajevo
- a.a.

